

بالجمله محررات نور عثمانیه جاده سنده
الحضاره غزنه سی اداره خانه سنده
احسان بك نامه كوندورلیدر .

تصوف

صاحب امتیاز و سر محرری
اورقه مبعوثی

شیخ صفوت

مسکزی توزیعی باب عالی جاده سنده
جمعیت کتبخانه سیدر

نسخه سی ۲۰ یادر



شرائط اشترا

سنه لکی عماك عثمانیه ایچون
۳۰ غروش ، مصر و عماك اجنیه
ایچون ۷ فرانقدر .

التصوف کله آداب : ابو حفص عمر بن مسلمه

عرفای امك مقالات عارفانه لرینه تصوفك صحیفه لری آجیقدر

تصوفه متعلق مباحث شتادن باحث و مکارم اخلاق اسلامینك تعمیمنه خادم مجله معنویه در

دائمه قلیبه وقت مرهونی حلول ایتمکه محرر عاجزی تصوف
جریده سنک تأسیسه سووق ایلدی . بویه بر امر جسیم
و تثبیت عظیمک ایفاسنه مدار اوله جق کفایت واقتدارک
ذره سنه بیله مالک اولدیغ حالدہ بو جسارت محضا ارباب
قلوبک همتلرینه و عرفای امتک جدی ودائی معاونلرینه
اعتقاد ایتمکدن منعندر .

حق تجلی الینجه هر ایثی آسان ایدر

خلق ایدر اسبابی بر لحظه احسان ایدر

تصوفک نهرست مباحثاتی سادات صوفیه نک عقائدی .

اصطلاحاتی ، تراجم احوالی ، اشعار و ادبیاتی ، منازل
و مقاماتی کی موضوعی دائره سنده مسائل شادان عبارت اوله جق
و اخلاق عمومیه اوزرنده تأثیرات حسنه سی امید یله اک
زیاده تهذیب نفوس و مکرام اخلاق صوفیه مبتخلرینه اهتمام
ایدیله جکدر چونکه : مشاهیر سادات صوفیه دن بو حصص
عمر بن مسلمه حضرت تلرینک تعریف عارفانه لری اوزره
تصوف سرایا اداب انسانیه دن عبارت بولغله بو مسلک
جلیک غایتی بر انسانک حق تعالی حضرتلرله مخلوقاته قارشو
وجائب عبودیت و وظائف انسانیتی ایفا ایدرک انسان کامل
اولمسیدر .

ومن الله سبحانه و تعالی الهدایة و التوفیق

صوفیه و تصوف

(صوفیه) تصوف کلمه سنک مأخذ اشتقاقی اولان (صوفی)
نک جمعیدر بوسمک تسمیه سی خصوصه شتقاق و معانی
ملاحظاتیله صوف وصفه یا خود صفا وصف کلمه منسوب
اولوق اوزره وجوه عیدیده ایراد ایدلش ایسه ده بوتلرک
هر بری یاقیاس و اشتقاق یا خود مناجه قیلما موافق
و قسماً مخالف بولمشدر . مثلاً طائفه صوفیه نک بوکدن
معمول البسه اکتسائی اعتیاد و شمار ایدندک لرینه
نظراً یوک مناسنه اولان (صوف) کلمه عربیه سنه
نسبتله صوفی دینلمش اولمی قیاس و اشتقاقه موافق ایسه ده
امام قشیری حضرتلرینه کوره صوفیه نک بونوع لباس ایله

عظام طریقت یرایه ساز عالم شهادت اولمشلر ایسه ده عصر
حزه قدر مرور ایدن قرون عیدیده نک و خصوصه استبداد
ایماننده سرایا معالم دینییه اوزرنده روا کوریلان مظالم
شدیده نک تأثیرات عظیمه سی طریق صوفیه یی دخی تخریبات
الیمیه دوچار ایتمش و قشیری حضرتلرینک شکایت ایلدیکی
زمان ایله قیاس و قیمت قبول ایده ، به جک برحاله کثیره مشدر .
بناء علی ذلک مشروطیتک فیوضات و فتوحاتندن بالاستفاده
مسالک سائره کی طریق صوفیه نک دخی تجدیدات لازمه یه
مضه ریخی اسبابی ارباب قلوب اراسنده تأمل و تصور ایدلجکه
اهل نیتک تشبثات عارفانه لرینه وسیله مطالعات اولوق اوزره
اول امرده بر تصوف جریده سنک تأسیسی نظر دفته
نقده ایدی .

استبدادک زمان ماضی جاهلیتده اخلاق عمومییه نک
تهذیبینه خادم اوله بیله جک بویه بر بحله اخلاقیه نک تأسیس
و تشرینه امکان تصور اولننه من ایدی . لیکن محول الحول
و الاحوال آملی و تقدس حضرتلرینه هزاران حمد و ثنایر
اوسون ؛ محاسن اخلاق انسانیک برر تمثال جمعی اولان
اصحاب جلالک غیرتلیله شریعت غرای اسلامییه نک احکام
جاییله سنه توفیقاً تأسیس ایدی لان مشروطیت مشروعه منزه
سربیتی مطبوعاتی سایه سنده بوکون او مانه لر کلیاً محو
و نابود اولمشدر . دور جدید مشروطیتک وطن و مائمه تأمین
ایدیکی منافع عمومیه نک بری واک برنجیمی سربیتی مطبوعات
تخصیه مهمه مسیدر . فلهمذا اعلان مشروطیتی متعاقباً ملت
معظمه عثمانیه حریت مقصوده کلامیه سی استرداد ایتمکه
استبداد ایمنده بر کلمه سی بیله تلفظ ایدیله میان مباحث شتای
علم و حکمت صحائف مطبوعات اوزرنده تجلیه ساز عبون امت
اولمش و علوم و فنونک شعباتده هیئت عمومیه سی اعتباریله
مدت قلیله طرفنده یک مهم بر انکشاف و تجلی حصول
بولمشدر . یالکنز علم جلیل تصوفک صدای روحانیستی بو
آه قدر هنوز سامعه نواز محبین اولامش ایسه ده سادات
صوفیه نک ، شاهراه عارفانه سالک اولان اخوان طریقنک
قلوب منوره سی هر آن بویه بر بحله معنویه نک ظهورینه
منوجه بولمقد ایدی . ایسته اسباب لدنییه ایله بو توجهات

اجتماعیه اراستند تارك دنیا و لائى كې بوزدات كرامك ده
برعضو مطلق اولدقلىرى زعم و ذهابنده بولمشلردر . ليلاً
ونهاراً مكاتب و مدرسه ملازمتله علوم و معارفك تحصيلي
اغورنده عمرك برقم مهنى فدا ايتك غايى اعتباريله
كالات ظاهره بشريه دن ايكن خافقه، وطن و ملتله قارشو
وظائف دينيه و مدنيه سنى هر درلو علل و امراض
نفسانيه دن آزاده اوله رق اخلاص تام ايله بحق ايفا ايد
بيامك مقصود مقدسه بيله كالات حقيقه و كرام اخلاق
انسانيه برصا ب كامله و برمايكه تامه مالك اولمق ايجون
برمدت اختيار عزت و خلوت ايله مساجد شريفه و تكاياو
زواياي منفده تركيه نفسه ، تربيه روحانيه حصر
اوقات و بذل حيات ايدن اصحاب عزم و همتي عطالت و بطالتله
نسبت ايتك محضا اومدارك عاليه دن محروميتك نتيجه سيدر .
حضرات صوفيه انفراد دائمي ايله هيئت اجتماعيه اراستند
اصلاً بيكانه بروضعيتده بولماملردر . بوطائفه جليله
مقاصد عاليه سي مجاهدات و رياضات ايله (رجال لائيه هم
تجارة ولا بيع عن ذكر الله) ايت كريمه سنده بيان
بيوريلان اهل تمكين و اصحاب عين اليقين زمرة مبارك سته
النحساق ايلدكدن صوكره امور و معاملات مشروعه
دنويه نيك شبات مخففه سنده بولهرق هر حال و محله
ارشادات اخلاقيه و قيوضات منويه ايله مخلوقات آليه
وسله رحمت و هدايت اوله بيلمكدن عبارتدر . مجبى
هيئات اجتماعيه نيك صوفى مخففه و طبقات متفاوتى
اراستند جمعيت بشرية حقتده بوسلك عاليه دن دها زياده
نافع بروسيله منافع متصورميدر ؟ حجة الاسلام امام غزالي
حضرتلى علوم و معارف ظاهرده حائر اولدقلى رياست
عظما و جلالت كبراسيله برابر علايق و خلايقدن تجرد ايدرك
ايك سته مقدارى برمدت شبيخ ابوعلى فارمدى
حضرتلرينك خدمتلىرله اختيار عزت و خلوت ايله كالات
حقيقه يي احراز ايلدكدن صوكره طوس قصبه سته
عودتلىرله يكديكريته متصل بر مدرسه علميه و برخاقاه
صوفيه انساننه بذل همت ايشلى و ظاهراً و باطناً تكاملات
حقيقه نيك انجى شو ايكي دتر عرفان اسلاميك ملازمت

اختصاصلى اولمديقندن بحسب المعنى جاى تأملدر حتى
عرفادن برذات اشيو :

تنازع الناس فى الصوفى و اختلافوا

فيه و ظنوه مشتقاً من الصوف

ولست امنح هذا الاسم غير فى

صافى و صوفى حتى سعى الصوفى

لظلم مارفانه سيله وجه مذكورى رد ايشدر . لكن
ابن خلدون مقدسه شهره سنده سادات صوفيه نيك اليمه
فاخره ميل ايدن ارباب هوايه مخالفه بولكدن معمول
جامه زهد و تقواي اختيار ايلدكلى جهته نسبت مذكورى
ترجيح ايش و شهاب الدين سهروردى و نجم الدين اسدى
كې محققين علماي تصوف آثار عاليه لرند بوجهي تأييد
ايدجك روايتلرده بولمشلردر .

كذا سادات صوفيه في صحابه كرام حضرتلندن اصحاب
صفيه تشبهاً (صفه) كلمه منهسوب اوله بيلمى سنده
بحسب القياس صحيح دكل ايسده بحسب المعنى موافقدر .
اصحاب صفه ديشلان ذوات كرام مسجد نبوى صفه سنده
اختيار اقامتله ليلاً و نهياراً عبادات آليه حصر اوقات
ايلسان درتيروز قدر ققراي مهاجرين ايدى كه :
حقلىرند (ولا تطرد الذين يدعونهم بالافداء والعشى
يريدون وجهم) و (واصبر نفسك مع الذين يدعون
هم بالافداء والعشى) آيات جليله سي نازل اولمش و عبدالله
بن عباس رضى الله تعالى عنهما حضرتلرينك روايتله
ذوات مشارايلهم (ايسروا يا اصحاب الصفه فن بقى منكم
على النعت الذى اتم عليه اليوم راضياً بما هو فيه
فانه من رفقاء يوم القيامة) حديث شريفيله تالطيف
بيورلمشدر .

سادات صوفيه نيك ايسه من القديم تكاياو زواياده
اختيار عزت و خلوت ايله عبادات و مجاهداته ملازمتلى
تماميله اصحاب صفه حضرتلنك احواله مطابقدر .

اصحاب صفه ايله طائفه صوفيه نيك احوال و آمال
سنبليزده واقف اولسان و عزت و خلوتك مبادى
و مقاصد يني تقرير و ادراك ايتيان ارباب غفات هيئت

مشهوره سیله سفیان ثورینک (لولا ابوهاشم الصوفی ما عرفت دقیق الریاء) جمله ماثوره سنده وارد اولان صوفی کلمه سنک دلالت صریحه سنده نظراً تابعین کزین ارا سنده دخی بو عنوانک معروف و برجالات معنویه ایله موصوف اولدینی اگلا شلمه مقدمه در .

تفصیلات مبسوطه دن دخی اگلا سیله جنی اوزره طریق جایل تصوف اصحاب و تابعین حضراتنه منتهی و متصل وار افاضل عظام امتک وساطت سنیه لیه اخلاف و متأخرینه متسلسلاً موروث و منتقل برشاهراه حق و حقیقت و برمنه حاج وحید معرفتدر . امام غزالی حضرت تلمیذ و المنتقدن الضلاله نام مجموعه کائنده مفصلاً و مدلاً ایضاح ایلدکاری اوزره تصوف مشکلات نبوتدن مقتبس اولغله نبوتله برابر عالم بشریتده ظهور ایتیش و هبیر عصرده انبیای عظام علیهم السلام حضراتنه ظاهرراً و باطناً اخلاص تام ایله اتباع ایدن ارباب ایمان و اصحاب ایقان ایچون وسیله عرفان و تکمیل اوله کیشدر .

انجیق بومساک قویم و صراط مستقیمک منازل و مقاماتی ، ادب و احوالی ، اسرار و اشاراتی خصوصاً رتبه دوران ایدن علم و عرفان اصحاب و تابعینک دور کزیننده تفسیر ، حدیث ، فقه ، کلام و علوم سائره شرعیه کبی رجلاک صدورندن اخذ و تلقی ایدیلر ایدی . مؤخرراً احتیاجات زمانیه سائقه سیله علوم ظاهره شرعیه تدوین و تألیف ایلدیک صره ده ائمه صوفیه دخی طریقتک شئونات عمومیه سنه دائر تألیفات مخصوصه یه اعتنا ایتمکله علم تصوف علوم سائره کبی مدون برعلم اولمشدر .

علم تصوف علوم سائره شرعیه صره سنده بودرجه اهمیت و مکاتبی حائر اولدینی حالده ائمه مجتهدین رضوان الله تعالی علیهم اجمعین حضراتنک بو علمه دائر تدوین و تألیف ایله اشتغال ایتدیکلرینک اسبابی ایسه اولا زمان عالیترینک عهد اقدس نبوی به قریبکی مناسبیتله ملت معظمه اسلامیه نیک اخلاق عمومیه سنده هنوز امراض و علل نفسانیه ظم و راجتماش اولدیقندن اوصاف رذیله دن تخلی و اخلاق حمیده ایله تحلی ایده بیلمک اوزره قوانین و قواعد

و خدمتیه تجلی از حصول اوله بیله جگنی قسلاً اثبات بیورمشدر . ادوار ماضیه ده مدارس علمیه ایله برابر تکلیف زوایانک عالم اسلامیه ایفا ایلدیک خدمت نافع عمومیه بگونه تعالی مباحث مخصوصه ایله آبروجه ایضاح ایدیله جک ایسه ده شبهات محتمله یه نظراً استطراد قیلندن اوله رق صوفیه و تصوفک ترمیفاتی ارا سنده اجمالات واقعه یه لزوم کورلشددر .

صوفی کلمه سنک (صفه) دن مأخوذ اوله بیله سی مطالعاتی کبی (صفا) یاخود (صف) کلمه سنه ، نسوبیت ملاحظاتی دخی دن حیث الاشتقاق مخالف ایسه ده دن حیث المعنی صوفیه نیک احوال سنیه سیله مناسبتدر . صف کلمه سنه مذسوبیت ملاحظه سی صوفیه نیک عالم روحانی یاخود حضور اقدس ربانیده صف اوله بواند قریبنه ناظردر .

عنوان مذکورک استعمال ایلدیک زمانک تعیین خصوصیه کلنجه مرشد اعظم و سید اولاد آدم صلی الله علیه و آله و صحبه و سلم افندمن حضرت تلمیذن صوکره صحبت سنیه نبویه دن ده اعلی برشرف و فضیلت بولمدریقندن قرن اوله فاضل اهل اسلام (محبان) صفت مجله سیله بنام اولمشدر ایدی . قرن ثانیده جمهور و افراد اصحاب ایله شرفیاب اولانلره تابعین و انلره ملاقی اولان قرن ثالث رجانه ده تبع تابعین دینلشمش ایدی . بواننده بین الناس تحدث اختلافات ایله مسالک و مراتب ارا سنده حاصل اولان مبایت اوزرینه اصحاب و تابعینک مسالک متین و اثر کزیننه اقتفا و امور دینییه ک زیاده اعتنا ایدنلره (زهاد و عباد) دینلوردی . بوندن صوکره مذاهب و فرق مختلفه نیک ظهورله هر بر مذهب و فرقده زهاد و عباد عنوانی استعمال ایدیلنجه خواص اهل سنت تصوفک مدلولی بونان اعمال صالحه و احوال سنیه و صدق عزیمت کبی خصائص عالیله افراد و تمیز ایتمکله صوفیه عنوانی زیانزد اولغله باشلاشدر . اجملاً تابعین حضرت اتندن حسن بصرینک (رایت فی الطوائف صوفیاً فاعطیته شیئاً فلم یاخذ وقال می اربع دوانیق یکفینی ما می) روایت

اخلاقیه‌نك تشریحات و تطبیقاتندن باحث اولان علم
تصوفك تدویننه لزوم كورما مشلدر . اكر اوزمانلر اخلاق
عمومیه ده ریا ، حسد ، كبر و غرور و اوصاف ذمیمه ساثره كي
امراض نفسانیه ظهور و انتشار ایتش اولسیدی همه
حال كنیدیلرندن صوكره كلان انمه صوفیه مثللو مداوات
اخلاقیه و تهذیبات روحانیه دائر تألیفات مهمه
همت و اهتمام ایده جككری شهسز ایدی .
ثانیاً مجتهدین عظام حضراتی الی یوم القيام مراجعتك
انام اولاق اوزره ادله شرعیه و قواعد اصولیه ایله احكام
فقیهنك جمع و استنباطی كبی دهامهم خدمات جلیله
دینییه حصر اوقات بیور مشلر ایدی . بو ذوات كرامك
بسط و تمهید ایلدكاری احكام و قواعد شرعیه اولسیدی ،
هیچ بر كیمسه اعمال ظاهره و باطنیه نك موازین معنویه سنه
ظفر یاپ اوله مزایدی . ایشته شو حقائق عالییه نظراً كرك
صوفیه و كرك دیگر طوائف اسلامییه نك عمومی مجتهدین
اعلام حضراتنك متتداریدر . انمه مجتهدینك تصوفه
نسبتلری بختنه كننجه : بو ذوات علویت سمانك پیشوایان
ارباب تصوف و اقطاب كزین اهل تعرفدن اولدقاری
عرفای امت اراسنده مسائل اجتماعیه دندر . زیرا صوفی
حقیقی خالصاً و مخلصاً علمیه عامل برفقیه شریعت ،
و تصوف بوبله بر علم و عملك نتیجه منده مواهب عظمای
الوهنددن شرف ظهور ایده جك بر هر فان جلیل
حقیقتدر .

امام عبد الوهاب شرافی حضرتلری طبقات كبرا
مقدمه سنده بیور یور كه : علم تصوف كتاب اقدس الهی
وسنن سنیه جناب رسالتناهییه اقتدا و متابعتك نتایج
معنویه سی اوله رق اولیای كرامك قلوبنده بارلایان علم
لدنیدن عبارتدر . بناء علیه تصوف ، علل و حفاظات
نفسانیه دن ازاده اوله رق احكام شرعیه اتباعك نتیجه سیدر .
ایشته بودقیقه مهمه به نظراً سید الطائفتین جنید بغدادی
حضرتلری تصوف حقیقه (عامنا هذا مشید بالكتاب
والسنه) بیور مش و یواساس متینه استناداً علوم شرعیه ده
وقوف و معلومات كامله سی بولغان بر ذاتك طریق آلهیده

تصوف و مشروطیت

اداره مشروطه عثمانیه نك شكل حاضری قواعد
اسلامیه مزه نظراً اصول مشورتك و امر بالمعروف و نهی
عن المنكر و جیبیه شرعیه نك بر صورت منتظمه ده تجلیسندن
عبارتدر .

قانون اساسی موجدیه و كلای ماتدن تشكلی ایلیان
مجلس مبعوثانك ایكی وظیفه مهمه سی واردركه : بری
عصر ك احتیاجاتی نسبتنده قوانین لازمه بی تنظیم ایتك
دیكری ده قوه اجرائیه طرفندن تطبیق ایدیه جك
قوانینك صور تطبیقه سنه مراقبه نظارت ایلدكر .
برنجیدی اصول مشورتك مقتضای ایكنه حیسی ده امر
بالمعروف و نهی عن المنكر وجوب شرعی نك اقتضاییدر .
بوايكی وظیفه مهمه نك حق و حقیقت ایله درجه مظهریت
و مناسبتی ایسه بوامانت عظیمه بی عهده سنده طاشیان
هیئتك و او هیئت انتخاب و توکیل ایدن ملتك سوبه
اخلاقیه سیله مترافقدر . افراد ملت اتحاد و اخوتی استلزام
ایدن محاسن معنویه و هنراهم صادق ایله متخلاق اولورسه
(لا یؤمن احدكم حتی یحب لایخیه ما یحب لنفسه) حدیث
شریفی مقتضای متین فی داتره سنده افكار و افکار بی بالكر
وطنك ، و طنداشلرنك منافع عمومیه لرینه حصر ایله
حاکمیت ملیه سی خالصاً لوجه الله تعالی انتخاب ایده جكی